

Atodiad A – Cwestiynau yr ymgynghoriad

Rhowch eich sylwadau ar gynifer o'r cwestiynau fel sy'n berthnasol i chi / eich sefydliad, gan roi esboniad i bob ateb a roddir:

Cyffredinol

- **A oes angen deddfwriaeth** i wneud darpariaeth ynghylch lefelau diogel staff nyrsio?
- Ai'r darpariaethau yn y Bil yw'r ffordd orau o **gyflawni pwrpas cyffredinol y Bil** (fel y nodir yn Adran 1 y Bil)?
- Os oes **rhwystrau** posibl i **weithredu** darpariaethau'r Bil, beth ydynt? A yw'r Bil yn rhoi ystyriaeth ddigonol ohonynt?
- A oes unrhyw **ganlyniadau anfwriadol** yn deillio o'r Bil?

Darpariaethau yn y Bil

Mae gan y Pwyllgor ddiddordeb mewn clywed eich barn ar y **darpariaethau unigol yn y Bil** ac a ydynt yn cyflawni eu dibenion datganedig. **Er enghraifft, a oes gennych farn ar:**

- y **ddyletswydd ar gyrff gwasanaethau iechyd** i ystyried pa mor bwysig yw sicrhau lefel briodol o staff nyrsio lle bynnag y darperir gofal nyrsio gan y GIG? ¹
- y **ddyletswydd ar gyrff gwasanaethau iechyd** i gymryd pob cam rhesymol i gynnal isafswm o ran cymarebau nyrs cofrestredig i'r claf ac isafswm o ran cymarebau nyrs cofrestredig i'r gweithiwr cymorth gofal iechyd, a fydd yn berthnasol mewn wardiau oedolion sy'n gleifion mewnol mewn ysbytai aciwt i ddechrau?²
- y ffaith bod y ddyletswydd, yn y lle cyntaf, yn gymwys i **wardiau oedolion cleifion mewnol mewn ysbytai aciwt yn unig?**³

¹ Nodir yn adran 10A(1)(a) a fewnosodwyd gan adran 2(1) o'r Bil

² Nodir yn adran 10A(1)(b) a fewnosodwyd gan adran 2(1) o'r Bil

³ Ibid

- y gofyniad i Lywodraeth Cymru gyhoeddi **canllawiau**⁴ mewn perthynas â'r ddyletswydd a nodir yn adran 10A(1)(b) a fewnosodwyd gan adran 2(1) o'r Bil sy'n:
 - nodi **dulliau** y dylai sefydliadau'r GIG eu defnyddio i sicrhau bod lefel briodol o staff nyrsio (gan gynnwys dulliau a nodir yn adran 10(A)(6) a fewnosodwyd gan adran 2(1) o'r Bil)?
 - cynnwys darpariaeth i sicrhau nad yw'r cymarebau gofynnol yn cael eu defnyddio fel **terfyn uchaf**?⁵
 - gosod proses ar gyfer cyhoeddi **gwybodaeth** i gleifion ar niferoedd a rolau staff nyrsio ar ddyletswydd?⁶
 - cynnwys **amddiffyniadau** ar gyfer rhai gweithgareddau a rolau penodol pan fydd lefelau staffio yn cael eu pennu?⁷
- y gofyniad i Weinidogion Cymru **ymgyngori** cyn cyhoeddi canllawiau?⁸
- y gofynion **monitro** a nodir yn y Bil?⁹
- y gofyniad i bob corff gwasanaeth iechyd gyhoeddi **adroddiad blynyddol**?¹⁰
- y gofyniad i Weinidogion Cymru **adolygu gweithrediad ac effeithiolrwydd y Ddeddf** fel y nodir yn adran 3?

[Noder nad yw'r rhestr uchod yn gyflawn; mae croeso i chi roi sylwadau ar unrhyw faterion eraill sy'n berthnasol, yn eich barn chi]

Effaith y canllawiau presennol

Mae canllawiau'n bodoli yng Nghymru a Lloegr sy'n ceisio sicrhau lefelau staffio diogel. Mae'r rhain yn cynnwys y 'Canllaw i Egwyddorion Staffio Cymru Gyfan' a

⁴ Nodir yn adran 10A(4) a fewnosodwyd gan adran 2(1) o'r Bil

⁵ Nodir yn adran 10A(5)(e) a fewnosodwyd gan adran 2(1)

⁶ Nodir yn adran 10A(5)(g) a fewnosodwyd gan adran 2(1)

⁷ Nodir yn adran 10A(7) a fewnosodwyd gan adran 2(1)

⁸ Nodir yn adran 10A(8) a fewnosodwyd gan adran 2(1)

⁹ Nodir yn adran 10A(8) a fewnosodwyd gan adran 2(1)

¹⁰ Nodir yn adran 10A(10) a fewnosodwyd gan adran 2(1)

gyhoeddwyd gan y Prif Swyddog Nyrsio yn 2012 a chanllawiau staffio diogel NICE 2014 ar gyfer 'Wardiau Oedolion sy'n Gleifion Mewnol mewn Ysbytai Acíwt' yn Lloegr.

- A oes gennych farn am effeithiolrwydd ac effaith y canllawiau presennol?

Pwerau i wneud is-ddeddfwriaeth a chanllawiau

Mae'r Bil yn cynnwys darpariaeth sy'n ei gwneud yn ofynnol i Weinidogion Cymru gyhoeddi **canllawiau** i gyrff gwasanaeth iechyd gydymffurfio â'r ddyletswydd ar gyfer cymarebau staffio, a gaiff eu cymhwyso i ddechrau, mewn wardiau acíwt oedolion. Mae Adrannau 10A(5)(a) i (h) a fewnosodwyd gan adran 2(1) o'r Bil yn nodi'r gofynion ar gyfer yr hyn y mae'n rhaid i'r canllawiau hyn eu pennu a'u cynnwys. Mae'r Bil hefyd yn cynnwys un ddarpariaeth sy'n galluogi **is-ddeddfwriaeth** i gael ei gwneud (adran 10A(3) a fewnosodwyd gan adran 2(1)). Byddai'r ddarpariaeth hon yn rhoi pwerau i Weinidogion Cymru ddiwygio'r lleoliadau y bydd cymarebau staffio gofynnol yn berthnasol, er mwyn ei ymestyn i leoliadau ar wahân i wardiau oedolion sy'n gleifion mewnol mewn ysbytai acíwt.

- A oes gennych farn am y **cydbwysedd** rhwng yr hyn a gynhwysir ar wyneb y Bil a'r hyn sydd i'w adael ar gyfer is-ddeddfwriaeth a chanllawiau?

Goblygiadau ariannol

- A oes gennych farn am **oblygiadau ariannol** y Bil fel y nodir yn rhan 2 o'r Memorandwm Esboniadol?

Sylwadau eraill

- A oes gennych **unrhyw sylwadau eraill** yr hoffech eu gwneud am y Bil neu adrannau penodol ohono?